

Кому Республикаса том войтырлөн газет



# ЙОЛДА

2014  
кӧч  
12-ӧд  
лун

36№  
(1161)



*Нопъясӧн - вьльторла*

*4 л.б.*

**Тайо  
НОМЕРЫН**

Сентябрь 5 лунö 7-12 арöса юркарса посниулов чукöртчы-лисны «Рюкзачок» турслёт выlö, кодöс дасьтис-нуöдис челядьды да том йöзлы спорт да туризм республикаса шöрин.

4  
л.б.

Коми литература пыдди пук-тысьяслы да радейтысьяслы козинöн лöö «Ы» газетлөн коймöд петас.

5-12  
л.б.

Кöрткерöс районьсы Керöс-са детсадын челядькöд 21 во нин уджалö Светлана Васильевна Франц. Тайö мелі гөлöса да шань аньсö ёна и радейтöны сиктса посниулов. А кыдзи нö он радейт? Светлана Васильевна некор оз кышöдлы челядь выlö гөлöссö.

13  
л.б.

Талунья номерын выль гöсьт - Сыктывдин районьсы Вьльгорт сиктын школабөр удж котыртан районса шöринын уджалысь Светлана Николаевна Борисова. Киподтуя ань вöзйö сямöдысь вöчны чуман.

16  
л.б.

**Босьт  
ПРИМЕР**



**Видзам вөр-ва!**

Вөр-ваыд важысянь нин вердö-юкталö мортöс, жалитгöг сетö став ассьыс озырлунсö миянлы, а ми мый сылы таысь козыналам? Ми сöмын вермам видзны сылысь помтöм-дортöм мичлунсö да озырлунсö, но и тайöс ог ставöн вöчöй. Тшöкыда казялан ю дорысь, вөр бердысь, сикт-карсянь неылын эновтöм лöп-өг. Яндзымыд босьтас, таdzi öмöй позьö вöчны верстыö да вежöра мортлы?! Дерт, оз!

Август помын республика пасьта йöз, кодьяслы абу веськодь вөрвалөн, налөн оланінлөн сöстөмлуныс, пырöдчисны став Россияса «Речная лента» акцияö. Эз кольччыны бокö и Удора районса Глото-во шöр школаысь велöдысь-велöдчысьяс. Налөн сиктбердса Мозын ю бокысь пелькöдöмаьсь-весаlöмаьсь 2 тонна гөгöр лöп-өг.

Глотово меститчöма сöстөм ю дорын, но сэтчöс войтыр оз тай пыр видзны сылысь мичлунсö. Пелькöдчыны ковмö быд во!

**Анна КРЯЖЕВСКАЯ**



**КОЛАНА УДЖ**

*Миянös повзьöдö, кор кöнкö мушар вылын овлöны теракт, война да мукöд сикас конфликт. Эз на вунöдны йöзыс медводдза да мöд мирöвöй войнаса сьöкыд кадсö. Террористъясөн школа босьтöм, взрывъяс вöчöм кольöны миян сьöлöмын ыджыд дой. Оз ков вунöдны Бесланын пöгибнитöм челядьöс, найöс, кодъяс сийö либö мöд помка понда пöгибнитöны öни мир пасьта.*

Сентябрь 3 лунö Эжва районса Слöбöда площадь вылын мунис «Молодёжь Эжвы против войны и террора» акция. Сийöс котыртіс «Ребьячья республика» челядьлөн котыр, а отсасис волонтёръяслы «Дворец культуры бумажников».

Аддзысьлöмсö восьтісны «Глобус» сылан да «Драматешки» театральнöй котыръяс. Эз прöста акциясö нуöдны сентябрь 3 лунö, öд тайö луныс - терроризмлы паныд мунан войтыркостса лун. Акциясы отсаліс районса олысьяслы висьтавны терроризм да война вылö видзöдлассö.

Ассьыс «ки пыдöссö» терроризмлы паныд лозунг дорö матыстліс 150 гөгөр морт. 37-öd, 28-öd номеръяса школаясысь, 1 номера гимназиясысь да 3-öd номера школа-интернатсысь ныв-зон вöчисны плакатъяс. «Ми терроризмлы паныд», «Ми паныд войналы» - лозунгъяслөн медшöр мөвпыс.

Уналы кажитчис асфальт вылын серпасъясыс. Медъяна синмö шыбитчис 3-öd номера школа-интернатлөн колажыс. Да и ичöt классъяс велöдан школаса волонтёръяслөн уджыс сьöлöмад воö. Уджсö отсаліс дасьтыны 37-öd школаса 4 «в» классысь Екатерина Швайченко. Мойвиис ськöд сёрнитны.

**- Кыдзи тöдмалін акция йывсьыс?**

- Тöдмалім район пасьта мунысь акция йылысь миян велöдысь Лариса Владимировна Исаковасянь. Ськöд ми и локтім татчö.

**- Кыдзи чайтан, мыйла колö тайö акциясы?**

- Медым верстьö тöдмалісны террор кузя миянлысь видзöдлассымöс.

**- А тэ террорлы паныд?**

- Ме паныд быдпöлös войналы, кутишöм овлö миян му вылын!

Акцияö пырöдчис сёсысь уджык морт. Кык часөн ассьыс видзöдлассö висьгаліс 150 гөгөр морт, дасьтöма 45 серпас.

**Виктория БОБРОВА,**  
челядьлөн творчество шöринса  
«СМЭЖ» пресс-центр.

## Эжваса томулов - террорлы паныд!



**ЧУКӨРТЧЫЛӨМ**

Сентябрь 5 лунө 7-12 арөса юркаrsa пoснuулов чу-  
көртчылысны «Рюкзачок» турслёт вылө, кодөс  
дасьтис-нуөдис челядьлы да том йөзлы спорт да туризм республикаса шөрин.

**Нопъясөн - выльторла**

Медшөр могыс слёт-поход нуөдысьяслөн -  
төдмөдны ныв-зонмөс туризмөн, спорт ориентиро-  
ваниеён, краеведениеён да вөр-ваын асьтө колана  
ногөн кутөм-видзөмөн.

Лунбыдөн челядьлы мойвиис пырөдчыны уна  
сикас конкурсө да ордысьёмө. Медводз сідз шу-  
сяна маршрута кабала да карта отсөгөн челядьлы  
ковмис карса пляжсянь воөдчыны Гөрд чөй инын  
меститчөм ты дорөдз. Сэни нин найө велөдчисны  
колана ногөн öзтыны бикур, төдмавлыны быд-  
мөгъяс, тэчны канпасъяс, висътавны-петкөдлыны  
лунвив-войвив да асыввив-рытыввив, мунны-воөд-  
чыны керъясті, пуяс костө öшлөм гезъясті да вен-  
ны быдсикас дасьтөм мытшөд.

Слёт вылө уси шуд ветлыны тшөтш и юркаrsa  
38 номера школаын 4 «д» классын велөдчысьяслы.  
Спорт да туризм шөринса уджалысь Ирина Вени-  
аминовна Ушакова корөма классөн веськөддысь  
Надежда Михайловна Аверинаөс ветлыны походө.  
Дыр мөвпавтөг велөдысь да сьлөн быдтасъяс дзик  
пыр и көсьысьёмөсь, өд татшөм ыджыд слёт вы-  
лас ныв-зон дзик на медводдзаысь веськавлыны.  
Тани пoснuулов төдмалысны сы мында выльтор, вид-  
лысны ассыныс вынъяссө төдтөм на ордысьөмъ-  
ясын. И, дерт жө, татшөм чукөртчылөмыс нөшта  
на ёнджыка крепаммөдө класса ныв-зонлысь  
ёртасьёмсө.

*Миян корр.*






3 №


сентябрь 12 лун

2014 во

# Ы Ёль



Гоҗся луныс лои меным козинён. Сійö луныс, кор ми витён ветлім Ы ёль дорö. Тайö ёльыслысь визувтöмсö аддзывлі, кор муна вöлі Выхгорт сиктлань яг вывті. А сэні, көні Ы усыö Куö (вöрса ю), эг на вöвлы. Весътас туйсö ёль дорö петкөдліс мианлы Надежда Петровна Бутырева. Сійö верöсыскöд тшөкыда ветывлö тайö туйöдыс вотчыны. А ёль вомсяныс небын, витсё метр мында и колö муныштны, важ кладбище, кытчö дзебöма дедбабöс. Гу дораныс матыстчылім, чай пöжасөн юыштім. Сёрнитыштім олöмсö.



А бөр локтігас лэччылім ёль дорö, юим көдзыд васö, мыссьыштім. Воöдчыны сы дорö абу на и кокни, баддён да кузь турунён пырзьöма берегыс. Сулалыштім ва дорын, кывзыштім, кызди сійö вужлясысь да пöрлассьöм вöсни пуясысь артмём сибдөгъясöд визувтігөн чольгö.

Бöрыннас, кор вои гортö да кор мөвпнам выльысь вуджи туйсö, ёльыс нöшта на мичаджыкөн да мусаджыкөн петкөдчис меным... чайта, сійö көсийс тадз кытшавны сьöлөмöс да пырöдчыны вир сөнъясöд пыдидз... босьтны лов-вежөрöс аслас тшапö... кызди сöмын радейтём кужö да вермö.

**Елена АФАНАСЬЕВА**

*Снимокъясыс Лия АФАНАСЬЕВАЛÖН.*



ЙОЛТА

## «ЛИТО-АРТЛЫ» КЫВ

Татьяна КИРПИЧЕНКО

Творчество менө век мездө. Сы отсөгөн ме коля ловъяөн, мөвпалысьөн. Олом, кытысь вошма творчество, тыртөм да пемыг.

Чайта, гижысьлы колө уджавны оз сөмын аския лун раги. Оз ков вунөдны, мыйөн йөзыс олоны талун. Ог вермам кө ми асланым творчествоөн вайны йөзлы лача да радлун, восьтыны налы вөр-валысь, чужан мулысь мичсө, сетны сьөлөм быдөнлы, коді мянлань нүжөдчас - позьё-ө мянлы сайөдчыны, дзёбсьыны асланым уна пөлөс мог пийө?

Гижысьлөн уджыс помасьлытөм. Меся сьөкыдыс - асззыны збыльысь лөсялана кыв. А ог быд кывлөн аслас обича. Оти вермас вежласьны да кокниа тэныг сетчыны, мөд заводитлас нюкылытны тэнө ас улас.

Мукөдгырийи, кор ловби вевтыртлас менө, сетла сылы ачымөс бертны. Сэк кийө кокниа гижалө кабалаө сэтшөмторьяс, мый йылысь ме водзджык эг и мөвпыштлы... Кор пукся гижны, некор ог төд, мый артмас. Но гижа. Гижа, медым төдмавны...

### Изьва кыв

Абу роч ни абу коми изьва кыы<sup>1</sup>,  
Аслыспөлэс, акань койд же жалькойд<sup>2</sup>,  
Баблэн чөскыд рача<sup>3</sup> койд да чай койд,  
Дзоля авко<sup>4</sup> - тэрыб изьва кыы.

Сарапанлэн серьяс койд же мича,  
Нэмөвөйся коз койд вылын юра.  
Кысь нэ тэысь небыдджыкыс сюрас,  
Юргынысэ тэ-ө корке мыдзан?

Варов джидж моз лэблан вылэ-вылэ,  
Куваркан<sup>5</sup> койд корке оолан гора.  
Шоныд пимиён ми тэнэ ноолам,  
Сьөлөмшөрнум мян, чужан кыыным!

Кыы<sup>1</sup> - изьва., кыв.  
Жалькойд<sup>2</sup> - изьва., муса.  
Рача<sup>3</sup> - изьва., пөжас.  
Авко<sup>4</sup> - изьва., ичөт көр.  
Куваркан<sup>5</sup> - изьва., рака.

Юлия НЕФЁДОВА

Оти сиктын оліс-выліс Оньё. Сійё вөлі зэв лөгасысь да өдйё озыйсь мортөн. Отчыг батысь вайис сылы мешок тыр көрт тув да шуис: «Быд пөрийё, кор тэ он вермы кутны ассьыг скөрлунтө, босьт өти көрт тув да тувъяв сійёс тайё пуас». Ме водзга лунъясө Оньё тувъяліс сёысь унджык көрт тув, кыыс быдсөн гагдяммис. Но водзё сійё пондіс гөгөрвоны, мый бурджык лөньөдны скөрлунсө сьөлөм пытшкысь, ме не дойдавны кисө. И со воис лун, кор Оньё лунбыгнас эз тувъяв ни өти көрт тув. «Мый нө водзё вөчны?» - юалис сэк батысьлысь Оньё. «Өні кыскы пусьыс өти көрт тув. И быд лун, кор тэныг удайтчас лунчөж кутны ассьыг скөрлунтө, кыскы өти көрт тувийөн». Недыр кад мысти пуйн эз коль ни өти тув. И пуйс тшапа муніс батысь дорө. «Тэ молодец!» - ошкыштіс батысь. «Но видзөдгы пу вылас. Откодяв, кутшөм сійё вөлі водзсө да кутшөм лоу өні». Пуис вөлі дойяса. «И көть мыйта өні эськө бур кыв тэ эн шу, тайё дойясыс нэм кежлө кольёны пу вылас. Морт сьөлөмын тадзи жө кольёны бурдгытөм дойяс».

Ёртъяс, вайё ог вунөдгөй: кыв вермө дойгны и бурдөдны, вины и ловзьөдны.

### Өшинь вылын серьяс

Пукала өшинь дорын... Мөвгьясөй кольмөм бобув моз лэбалөны то өтарө, то мөдарө... Ыджыд оломыд төдтөм кар кодь, петнысө сэтчө не уна польшга. Код төдас, мый менө сэни виччысьө?..

Позис кө эськө водзвыв лыддыны ассьым олан туйөс. Ме эськө пырысьтөм-пыр ставсө и төдмалі: кызди да мый, но кысь нө сійёс лыддьян? Кутшөм небөггысь, а гашкө, ки пыдөс вылысь?.. А со өшинь вылын кынмөмаось серьяс. Шонді югөрьяс улын мичаа и дзирдалөны... Гашкө, тайё кынмөм серпасыс и лоө менам олан туйөн? Оломыд өд мян өти ыджыд серпас, коді артмө быд морт оломлөн ичөтик серпасторьясысь.

Со сійё, менам олан туйё, ныр улын, а лыддынысө ог сяммы. Гөгөрвоө тайё серьяссө сөмын сійё, коді везйөдліс найөс өшиньё. А кысь корсян сійё мортсө, ловсө ли... А гашкө, оз и ков некодөс корсьны. Оз и ков зильны водзвыв төдмавны ассьым олан туйөс. Воас кад, да ставсө гөгөрвоа-аддза. А өні меным кольё сөмын видзөдны да нимкодьясьны аслам оломлөн серьясөн да аттьөавны серпасалысьсө сыысь, мый сетіс меным олыштны тайё свет вылас, мый гижтіс менсьым олан туйөс...





### Татьяна ШАХОВА

Дона лыдгысысь, гашкӧ, му пуксьӧмсянь  
нин морт кӧсьис петкӧдлыны ас гӧгӧрсьыс  
мичлунсӧ кывбур-висьтын, мег кыпӧдны лов,  
мег йӧзыс лоины шаньджыкӧн да ӧта-мӧдлы  
коланаӧн. Ӑня кадӧ, кор морт вежӧрӧ пырӧ  
уна юӧр, морт лоӧ нагзӧникӧн, робот сямӧн.  
Ӑня гижысьяслы колӧ петкӧдлыны мянӧс  
кытшалысь мичсӧ, йӧзӧн ӧта-мӧдӧс пырди  
пуктӧмсӧ, отсавны вермытӧмаяслы. Мам кыв  
вылын сӧгз кывбурьяс да висьтъяс вермасны  
вӧрзӧдны йӧзлысь сьӧлӧмсӧ, шензӧдны.  
Ф.М. Достоевский гижлис: «Красота спасёт  
мир». А ӧнӧ мянӧс кытшалӧ сы мында на лек-  
тор: война, тшыгъялӧм, наркотикьясӧн ыш-  
мӧм, вина юӧм, висьӧмъяс. Гижысьӧн мог -  
став тайӧ леклуныслы сувтны паныд, мег му  
вылын йӧзыслы овсис бурджыка. Агдза поэзия-  
лысь ыджыд вынсӧ и эска: кывйыс унатор вер-  
мас вежны бурлань.

### Тэ́рмасьысь гожӧ́м

Востымасьӧ кӧнкӧ зэв нин ылын,  
Муркӧдчӧмыс гымлӧн оз нин кыв.  
Зарниасьӧ рытья шондӧ улын  
Зэрӧн мыськӧм, ытшкыштӧм видз выв.

Асылӧдзыс лӧнис лэбач сьылӧм,  
Лӧня кывтӧ паськыд ота ю.  
Ӑдийӧ лэбӧ гожӧм, быттӧ сылӧ  
Дэбыд тӧвтор улас асья ру.

х х х

Радейта ме кӧка югыд войяс,  
Дзоридзалысь видзлысь паськыд от,  
Кыа улын вунӧны став дойяс,  
Асылӧдзыс пукав кӧть, эн вод.

Гожӧмӧй, тэ восьӧм лежнӧг дзоридз,  
Кӧрыд тэнад - воӧм сьӧлаоз,  
Лышкыдлуннад юксян шаньлун сорӧн,  
Тэ дорӧ оз ваймы муслун, оз.

### Татьяна ЮГОВА

Кывъяс лолаӧсь... Эм пыста кодь жбыръя-  
лысь кывъяс. Шуам, и некогӧс лёка ни бура  
оз вӧрзӧдны... Эм рака кравзӧм кодь ярскӧб  
шыа, вундӧны-чинтӧны эбӧстӧ. И эм колип-  
кайлӧн сьылӧм кодь ловтӧ малыштана кывъ-  
яс. Гижысьӧн кывъясыс йӧлӧгаалӧны йӧз  
мӧвпъясын, сьӧлӧмъясын. Гижысьӧн сямыс  
оз вермы писькӧдны ордым быд мортӧгз -  
быд сьӧлӧм кылӧ аслыснога. Но став ги-  
жысьсӧ ӧшувтӧ кыв. Кывъяс пырыс гижӧгъ-  
яс выльысь ловзӧны лыдгысысьӧн олӧмын.  
Кодарӧ шызьӧдласны гижӧгъясным, кодарӧ  
сӧвмасны водзӧ? Виччысям, бур морт, тэ-  
сянь...

х х х

Дивӧ!.. Сынӧдыс сӧстӧмнас волялӧ  
да вежа нюмнас коддзӧдӧ.  
Тӧвру пуксьӧма шойччыны ӧшиньдорса оржылӧн  
увъяс вылӧ.  
Енэжсянь надзӧник-надзӧник лэбӧ-лэччӧ  
еджыдик бордтор.  
Кыйкнитлӧ менам ӧшиньӧ.  
Кыла, аслас вӧсньыдик, челядьлӧн кодь гӧлӧснас  
кисьтӧ-сералӧ...

Прӧшвиа борднас шенасьӧ меным.  
Да тайӧ андел кӧ-а му вылӧ лэччӧ...  
Пӧльыштӧс лолам долыдлунӧн да ышман руӧн.

х х х

Лым чиръяс, висьталӧй,  
Кӧн тӧян чужанӧн?  
Югыдлӧз энэжас,  
Войвывса пельӧсын?..  
Мыйсяма му вылысь  
Тӧв нырыс пӧлялӧ?..

Чӧвлунтӧ тӧянлысь  
Пола ме вӧрзӧдны,  
Йи ловъяс!  
Сынӧдас йӧктанныд вальс,  
Дуранныд челядь моз,  
Мойдвывса олысьяс!  
Вӧсь молля шебрасӧн  
тӧдлытӧг вевтянныд  
муывса грекьяссӧ.  
Ӑтикӧн-ӧтикӧн чукӧрта киӧ,  
юсь гӧнъяс, тӧянӧс!  
Мыйла тӧи сыланныд  
Ки пыдӧс вылам?  
Ва молльӧн-чепӧльӧн лым-вӧсьыд кольӧ...

Тадзи менам муслун волӧс.  
Синва сылӧн мичысь колӧс.

ГИЖЫСЬЛӨН КЫВ

# НЁЛЬ КОРЪЯ БОБӨНЯНЬ

## *видзөдлас*

кор кайлі гортө,  
видзөдласөс коли енэжас,  
ыджыд көшө:  
сэтысянь медбура тыдалө бать-мам керкай.  
өні быд вой,  
куня синмөс да,  
лола кодзулөн.  
либө кодзула лолөн?  
нимкодяся мугов пасөн.



**Алёна ШОМЫСОВА**

## *көльөса*


меным чайтсьө,  
асывнас эм дзик өти здук,  
кор синсө поткөдысь грездыс  
унзильвывсьыс вошлө кадас  
да телегаысь мынөм көльөса моз  
летитө өдөбывсьыс кытчөкө бокө.  
и сійөс шыбыльтө ветымын во бөрө.  
важмылөм керкаясыс бөр томмөны.  
ыб вылын бөр сувталөны керавлөм пуяс.  
ямны пондөм юыс бөр польдчө.  
а кильчө вылө чепөсийө пөчөй - том ань -  
карнанөн лэччө вала.  
но тайө сөмын өти здук - шонді югөр.  
и ме некыз ог вермы сійөс кыйны.  
пөчлөн сарайын эм потласьөм пу көльөса.  
сы пыр кө нө видзөдлыны колө-а?





## нѣль коръя бобѣнянь

чойлы



нѣль коръя бобѣнянь пѣ вайѣ шуд.  
помнитан, некымын во сайын ме век жѣ аддзи сійѣс  
да чирк моз котѣрті петкѣдлыны тѣныд?  
ме сэки бордъясьлі нимкодъла!  
ѣд тѣныд сѣтшѣмыс сюраліс быд лун...  
но збыльысь-ѣ нѣль коръя бобѣняньыс вайѣ шуд?  
тѣ шуан, мый збыльысь: сійѣ коркѣ ваяс тѣныд ыджыд шуд.  
но кымын нѣль коръя бобѣнянь ковмас на ѣктыны?  
ѣна кѣ эскыны, сідз жѣ позъѣ чукѣртны  
гежѣд дзоридзяс либѣ изъяс.  
ѣна кѣ эскыны, позъѣ нинѣм не чукѣртны.  
и ыджыд эскѣмыс коркѣ ваяс сѣтшѣм жѣ ыджыд шуд.  
нѣль коръя бобѣнянь кодъ гежѣд да  
олѣмыслѣн грунъя-гранъя туй вылас тыдавтѣм.

5

## юрсигусь бордъяс

чав лыа вылын куйлѣны  
юрсигусьлѣн нѣриник бордъяс.  
найѣ тѣралѣны тѣвру пѣлялѣмысь,  
быттѣ кѣсйѣны водзѣ овны вир-яйсьыс торйѣн.  
гашкѣ, эз на гѣгѣрвоны, мый веськѣдлыны наѣн некодлы.  
лѣзсьыс-лѣз бордъяс тувсовъя енѣжысь на лѣзѣсь.  
кадѣн везйѣдлѣм сйяс, быттѣ ю сѣнъяс.  
вежѣрѣй сунгысьѣ сѣтчѣ да кытшовтѣ юрсигусьлысь бѣръя лунсѣ...  
юрсигусь пѣдѣма ваын вывтѣ зѣра лунѣ.  
сйѣ жѣ лунас, кор сувтса зѣрыс кысьтѣма бур здук  
верѣслысь бабсѣ дзебѣм бѣрын  
и абу лѣдзѣма дыр сулавны гу дорас.  
а ме эг вермы дзебны бабѣс - вѣлі вывтѣ ылын.  
самолѣт лѣбѣдїс менѣ сы дорѣ  
сѣмын ѣкмысѣд лун кежлас.  
но тайѣ кад чѣжыс ме кылі бабѣс орччѣн,  
а син водзын киноын моз бергалісны ськѣд йитчѣм здукъяс...  
баб жалпырысь видзѣдїс ме вылѣ крестывивса фотосяньыс,  
быттѣ эг ме сйѣс жалит, а сйѣ менѣ,  
и меным сьѣкыд вѣлі видзѣдны сылы синмас,  
ловтѣ гугѣдысь, небыда нюмъялысь синмас.  
ме кылі ачымѣс бордтѣм юрсигусьѣн,  
кодї мый вынсьыс нетшкысис сйѣс виччысянінѣ,  
но ѣна сѣрмис, и бордъясыс кыссысны.  
пѣрисны кок улын шарѣдчысь коръясьѣ  
да таяссысны дзескыд йѣрас рѣдвуж кок улас.  
ме сэки нинѣм эг вермы шуны:  
кывъясыс гѣна кымѣръяс моз тасасисны горшѣ...  
нелямынѣд лунас ме нуа баблы юрсигусь бордъяссѣ.  
код тѣдас, гашкѣ, найѣ ковмасны сылы мѣдаръягыдас лѣбигѣн.



Серпасъясыс авторлѣн да Мария МИШАРИНАЛѣН.

# Небӧг менам олӧмын

Дона ӕрт, тэ радейтан лыддыны небӧг? Ӧнӧ кадӧ зэв тшӧкыда ми шыӧдчам ӧтуввезйӧ. Чайтам, сэтӧс ставыс сюрас. А небӧггяс шкапын бусӧссьӧны. Гажтӧм. Но книгасӧ оз веж некутшӧм ӧтуввез... Неважӧн, июнь тӧлысь помын, Удора районса Бӧджыд Пыисдӧн сиктын лои нуӧдӧма 28 «Небӧг гаж». Зэв югыд вӧли тайӧ гажыс. Унаторйӧн шензьӧдӧс. Ӧти лунӧн сы мында лоӧмтор син водзтӧ мунӧс! Бур кывъясӧн казтылисны коми гижысь Евгений Афанасьевӧс. И кӧть эськӧ сийӧ чужис Мутьдӧн грездын, но мемориальной пӧвсӧ восьтӧсны Пыисдӧнын, керкаас, кӧнӧ сийӧ верстыммис. Сыктыварысь художникгяс Юрий Лисовский да Павел Микушев нимкодмӧдӧсны удораса войтырӧс асланыс серпасгясӧн. А медся ӧна чуймӧдӧс, дерт, кор «гӧгрӧс пызан» дырйи Коми республикаса гижысгяс: Елена Козлова, Андрей Попов, Галина Бутырева, Елена Афанасьева, Нина Обрезкова, Пётр Столповский, Алексей Полугрудов, Москваысь воӧм прозаик Николай Коняев, Ханты-Мансийскысь поэт Павел Черкашин да мукӧд тӧдчана гижысь, культураын уджалысгяс - варовитӧсны ӧнӧ кадӧ книгалӧн коланлун йылысь.

Дона лыддысгяс, кузь висгасьмӧн дӧзмӧдны тӧнӧ ог кут, но медшӧрсӧ гижысгяс, культураын уджалысгяс сӧрниысь тӧдчӧда-пасгяс. А тэ тайӧс ставсӧ видз лолад, юксгы ӕртгясыдкӧд. И тӧд, мый кӧть кутшӧм кадӧ он ов, книга - тэнад медся бур ӕрт, велӧдысь да мывкыд сетгяс.

Вайӧда «гӧгрӧс пызан» дырйи сӧрниысь небӧг йылысь некымын мӧвп:

**В.П. Марков, Коми Республикаысь Госсоветса председателӧс первой вежысь:** *Мукӧдыс вермасны думышты олӧмсӧ книгатӧг, бумага небӧгтӧг. Но электроннӧй книгагас окотпырысь лыдгӧны том войтыр. А верстыӧджыкгяслӧн велавсӧма важ ногыс. Но век жӧ небӧг - тайӧ туй ӕрт, олӧмас гзиргяс, кытысь позьӧ адзгыны уна юалӧм вьлӧ вочакыв. Быд кагӧ. Быд зрукӧ.*

**Е.В. Козлова, Коми Республикаса гижысь котырӧн веськӧдлысь:** *Быд мортлы олӧмас колӧ адзгыны радейтана авторӧс, медым сыкӧг путешествушты сылӧн гижӧдгясгӧ, гӧгрӧвонны матысса и тӧдтӧм йӧзӧс. И тайӧ ставсӧ, козин моз, сетӧ книга.*

**Я. Сажина, «Ми» котырӧн веськӧдлысь:** *Менам коми литература йитчӧ нималана коми гижысь Г.А. Юшковкӧд, сылӧн «Чугра» романкӧд. Сийӧс лыдгӧм бӧрын уна боксянь кутӧ донгьявны олӧмсӧ. Аттӧ Геннадий Анатольевичлы! И эска, мый коми литература кутас нэмгяс овны!*

**Г.В. Бутырева, «Арт» журналса главнӧй редактор:** *Корсюрӧ воӧ каг, мый он тӧг, кутшӧм небӧг лыдгӧны. То ӧтиӧс, то мӧдӧс куаг босьтлан. Но сьӧлӧмыд оз бурмы. А коркӧ веськалис мен «Псалтырь русской поэзии» книга. Сийӧс лыдгӧм бӧрын бытшӧкӧ лолӧй веськалис, бурдӧс. Збыльысь, небӧгыс кужӧ бурдӧдны.*

**Е. Афанасьева, Коми Республикаса гижысь котырын литературнӧй консультант:** *Университетын велӧдчигӧн ӧна воисны сьӧлӧм вьлӧ Марина Цветаевалӧн кывбургяс. Тайӧ поэтыс уна сетӧс меным. Коми гижӧдгяснь век виччыси вьль ру. 1994-ӧд воын тӧдмаси Галина Бутырева кывбургясӧн, а сӧсся пондӧс йӧзӧдны гижӧдгяссӧ Нина Обрезкова. Тайӧ поэтысгылӧн кывбургясгяс лоины матынӧсь, корисны мӧвпавны, шызьӧдӧсны. Сийӧ жӧ кагас тӧдмаси поэт Евгений Козловкӧд. И кор восьтӧ сылысь «Узьтӧм войяс» книгасӧ, син улӧ уси «Восьта ме вьль тетрадь...» кывбур. Лыдди и мӧвпышти: позьӧ ӧмӧй тагзи гижны комиӧн?! Тайӧ кывбурыс мен козыналис вьль лов шы, и ме сийӧс пыр корся поэзияысь.*

**Н. Обрезкова, Россияса гижысь котырӧ пырысь:** *Менам радейтана небӧгӧй - «Четвӧртая высота». Тайӧ книгагыс мен унатор отсалӧс венны. Сийӧс лыдгӧм бӧрын олӧмам заводитчис вьль тшупӧд. Ме чайта, мый книга адзгӧ мортсӧ сэтшӧм кагӧ, кор сийӧ сулалӧ кутшӧмкӧ туйвежын. Мыйкӧ вермӧм либӧ бӧрйӧм водзын. Небӧгыс кужӧ зумыдмӧдны эскӧмлунсӧ ас вьлаг.*


**Н.М. Коняев, Россияса гижысь котырӧ пырысь:** *Удораын чужлисны нималана йӧз. И Мозын юыс - абу прӧста ю, тайӧ мыйкӧ ас пытшкын кутан, гуся. Мозын визувтӧ роч йӧзлӧн судьба пыр. Ми талун сӧрнитам радейтана книга йылысь. Менам сийӧ - «Житие Протопопа Аввакума». Тайӧ небӧгас тшӧтши висгасьтӧ Мозын вьлын лоӧмторгяс йылысь. Гӧгрӧвоан, мый танӧ вӧлӧма зэв унатор. И тайӧ пыдгилуныс, сӧстӧмлуныс чужис эз кӧсйытӧг. Со татшӧм юӧн, татшӧм олӧмгясӧн артмӧ чужан муным. И книга пырыс ми ставсӧ тайӧс тӧдмалам.*

Дона ӕртгяс, лыддӧй да радейтӧй небӧггяс! Наын олӧмыс, и кадыс, и сьӧлӧмкылӧмгяс. Сӧмын книга лыддигӧн ми сӧвмам, быдмам, лоам Мортӧн!

## МИЯН ГӖСЬТ

*Николай Михайлович Коняев, гижысь, чужис 1949-ӧд воӧ Ленинград обласьтса Вознесенье посёлокын. Сылӧн вужйыс - Комиысь: рӧдвужыс овломӧ Сереговын да Емгӧнын. Олӧ Санкт-Петербургын. Медвэль небӧгъясыс - «Гибель красных Моисеев», «Русский хронограф. От Рюрика до Николая II. 809-1894», «Дальний приход», «Апостольский колокол».*

*Николай Коняев таво воліс Угораӧ, Пыисгӧн сиктӧ Коми книгалы сийӧм гаж выльӧ.*



**Николай КОНЯЕВ**

# Посъяс

Войнаӧдзыс на миян посёлокын жугӧдісны Вӧзнесенньӧ Господньӧ вичко... Жугласнас вольсалісны туй вылысь кадъяинъяс, но вичко йылысь паметсьӧ эз и вермыны бырӧдны...

Ме чужи война бӧрас нин, но юрӧ кольӧма, кыдзи Вӧзнесенньӧӧ пӧжалісны «посъяс».

Тайӧ вӧлі печенньӧ кодъ кос пӧжас. Сизим тшупӧда пос.

Рӧшкыдысла сийӧ корсюрӧ чегъясис кӧрт лист вывсьыс босьтӧгӧн.

«Поссӧ» эз сӧмын сёйны. Сы отсӧгӧн позьӧ вӧлі тунасьны.

Кавшасян паччӧрад да шыбитан «постӧ» джоджас. «Поскыд» кӧ оз жугав, сідзкӧ, ставыс бур. Сідзкӧ, тэ гректӧм морт и, кыдзи шуліс бабӧй, бать-мамыдлы ваян радлун...

Чегас кӧ «поскыд», колӧ видзӧдлыны, кутшӧм тшупӧдын... Но, а дзикӧдз кӧ жугалас «поскыд» - зэв лёк. Ковмас чорыда думыштчывны грекъяс йывсьыд, вывтӧ уна чукӧрмӧма.

Но вывтӧ нин рӧшкыдӧсь вӧліны «посъяссыс». Усьӧм бӧрас ставыс буди жугласьлісны-а...

- Да тайӧ паччӧр вывсьянь сідз усьӧны... - шуліс бабӧй. - Остречинынын колӧкӧльня йывсьянь на шыблавлісны. Эта джудждасянь.

- Торпыригӧдз, кӧнкӧ, жугласьліс? - юавлім ми. - Чукӧртны весиг он вермы?

- Быдсымаыс вӧвлӧ... - вочавидзліс баб. - Ӧткымын челядьыслӧн эз и жугавлы.

- Да сэки, кӧнкӧ, мӧд ногаджык пӧжавлісны... - дорйис миянӧс мамным. - Пызьыс вӧлі эз ӧнія кодъ...

- Ставыс сэки вӧлі эз ӧнія кодъ... - вочавидзліс баб. - Кӧть и град йӧрад петан, а вичко вылад видзӧдлан да пернапасасян...

Гӧгӧрвотӧмӧсь вӧліны «абу ӧнія» олӧм йылысь кывъясыс.

А ӧні и «посъяссӧ» сьӧкыд тӧд вылад уськӧдны.

Юрӧ кольӧма сӧмын сийӧ, кыдзи ми чукӧртам мавтӧм джоджысь «посъяснымлысь» жуглассӧ - бабӧй шуліс, найӧс пӧ колӧ быть сёйны! - и лов вылын вӧлі кыдзкӧ зэв гажтӧм.

*Комиӧгис Алёна ШОМЫСОВА.*

# Чужан мулӧн мич

*Радейта ме тэнӧ, ас чужан муӧй!  
Муна кӧть мӧд муӧ - тэ дӧнын думӧй.  
Гаж бырӧ, сьӧлӧм пыр кӧсӧдӧ бӧрдны,  
Мый понда - ог вермы некыдзи тӧдны...*

**В.А. Савин**

Тайӧ кывъяссӧ окота меным быд пӧрйӧ горӧдны, кор ме локта вежон помын интернатысь аслам ичӧтик грездӧ - Пӧлянинӧ. Век быттьӧ выль синмӧн аддза муса грездӧс. Видзӧда гӧгӧрбок: мый вежсис, кӧнӧ мыйкӧ выльтор лоис, а кытӧ мӧдарӧ, мыйкӧ важмис, пӧрысьмис, омӧльтчис...

Со восьлала да нимкодыся чужан мулӧн мичлуннас.

Менам медся радейтана кад - тулыс. Кажитчӧ, мый кузь тӧлыс некор оз помась. Тайӧ абу сӧдз. Вӧр-ва олӧ нэм чӧж аслас стрӧг оланпас серти. Быд во колана кадӧ, колана инӧ игӧдчӧ тулыс. Гӧгӧр ловзӧ, гораммӧ. Медводдза шондӧ югӧръяс ёрӧны синнымӧс, писькӧс ракаяс чолӧмасьӧны миянкӧд, оз нин дзебсясьны овтӧм оланӧнъясын. Йӧз пӧрччалӧны шапка, быттьӧ тӧвбыдъя узьӧм бӧрын унзӧльсӧ шыбитӧны. Сылӧ лым. Тувсовъя шоръяс гажӧдӧны сиктса лӧнь рытъяс асланыс шыӧн.



Ар. Серпасалис Александра БАЛУЕВА.

Радейта кывзыны войтвалысь тӧпкӧм, тӧльгысь шысӧ шорлысь. Тшӧкыда пукавлывла ЁБ кыр вылын да видзӧда Мозын ю вывтӧ кывтысь йи пластъяс вылӧ, кыдзи найӧ вермасьӧны ӧта-мӧдыскӧд. Ёвла шондӧдӧ. Пуяс вылын потласьӧны гаръяс. Радейта ветлывлыны Дзиб ёль дорӧ. Кутшӧм гӧгӧр мича! Пуяс вылын сьылӧны лунвылысь воӧм лэбачьяс, гажӧдӧны миянӧс асланыс мыла сьыланӧн. Неуна сулалышта, кывзышта ёльысь жургӧмсӧ, чӧсмасьышта ма кодъ чӧскыд ванас.

Регыд нин гожӧм. Меным сэтшӧм окота мунны вӧрӧ чӧд вотны. Маша бабӧ петкӧдлӧс нин асьыс гуся местаяс, вӧтӧсаинъяссӧ. Пыран вӧрас да аддзан гырысь чӧд - личкӧма нин коръяссӧ. Босътан вомад да сэтшӧм чӧскыд, сакарысь на юмов. Ёлысянь тыдовтчӧны пув розъяс.

Паськыд шляпаа гӧрд гобъяс, ельдӧгъяс, сӧдзи и вӧзйысьӧны пестерад. Кывзышта сизылысь клӧнгӧмсӧ, вӧрлысь шувгӧмсӧ. Чӧдъя раскын ӧдйӧ и тырӧ ведраыд, а гортын ставным чӧсмасям чӧдъя йӧлӧн.

Гожӧмыс зэв ӧдйӧ кольӧ, а сы бӧрын локтӧ ар. А кутшӧм жӧ гажа арся вӧрад! Каян Дзиб кыр йылӧ, сӧсянь зэв бура тыдалӧ, кыдзи пуяс заводитӧны вежлавны асьыныс турунвиж платтьӧяссӧ виж да гӧрд вылӧ, кыдзи вӧр-ва пӧртмасьӧ зарниӧн. А турипувыис нюрын мыйта! Вотчан-заптысян во гӧгӧр кежлӧ тайӧ войвывса вотӧснас.

Весиг тӧвнас чужанӧнӧй чуймӧдӧ аслас мичлуннас. Ме пыр нимкодыся узьысь пуясӧн, кывза налысь чӧвлунсӧ. Неуна инмӧдчыла на дорӧ, вылысам киссяс небыд лымйыс... А радлуныд мыйта! Ме кӧсъя, мед тайӧ мичлуныс некор оз кус! Мед эз бырӧдны грезд гӧгӧр кытшалысь вӧрсӧ! Мед эськӧ уна нэм олас Пӧлянин грездӧй! Радейта ме тэнӧ, ас чужан муӧй!

**Яна ПАХНӢВА,  
Угора районса Пӧлянин грезд.**



Редколлегия:

Елена Афанасьева, Юрий Лисовский, Алёна Нестерова,  
Галина Макарова, Григорий Хатанзейский.



**Эм татшом  
удж**

*Детсадын уджалысьясон пыр нимкодяся да шензя: сы мында терпennyö да ыджыд съёлөм колö нэм чöжыд дзoлюкьяскöд зилегон! Öти-кык ныв-пийдкöд гортад пикö волан, а танi асывсянныс рытöдзыс сы мында гöлöс-дзользьöм кылö, да и видзны-велöдны на найöс колö кужны.*

**Светлана Франц:**

## «Челядьтö ёна радейта!»



Кöрткерöс районьсь Керöсса детсадын челядькöд 21 во нин уджалö Светлана Васильевна Франц. Тайö мелi гöлöса да шань аньсö ёна и радейтöны сиктса посниулов. А кызди нö он радейт? Светлана Васильевна некор оз кыпöдлы челядь вылö гöлöссö, а сы понда тай со кывзысьöны быдтасьясыс, буракö, шаньлуннас и такöдö-лөнньöдö ыргянитысьясöс.

Сыктывкарса мöд номера педучилище помалöм бöрын Светлана Васильевна бöр локтöма чужан Керöс сиктас, буретш детсадын уджалан местасыс вöлöма и. А, гашкö, и муса пöлыс кыскöма бöр. Гортас воöма да, рытнас нин клубö йöктыны мунöма. Матыстчöма Андрей радейтана зонмыс да абу и тöдöма: рочөн шыасьöма, чайтöма карса нывкаон. Вай пö тöдмасым, а нылыд абу шöйöвошöма, «тöдмасьöма» шмонитгмоз. Сэсся зонмыд колльöдны вöзйысьöма: кодьясö пö эськö, мича ныв, гөститнытö локтин? Светлана и шуöма: кольöдан пö да, аддзан. Збыльвылас, суседьясьон нэм чöжыс и вöлöмаось. Дзирьяöдзыс воöмаось да, вöлисти зонмыдлөн синмыс вöсьсьöма... Кызь во нин öтсöгласьон гозья олöны.

А заводитöма уджсö Светлана Васильевна яслиын, арöсысь на ичöt дзoлюкьясöс видзлöма. Сэки öд вель уна челядьыд вöлöма - тыр группаяс. А öни сиктад ёна чинис посниуловыд, ковмöма став арлыда челядьсö öтлаавны.

Светлана Васильевна уджалö «Дзoлюк» уджтас серти, ас кадö и «Коми керка» жыр дасьтöма. Сиктысь корсьöмаось важ эмбур: гырничсянь потанöдз. Ставсö колана ног тэчöмаось-лöсьбöдмаось - дзик

важся коми керка код и артмöма. Мукöд занятисö сэнi и нуöдöны: пöсь картофель да шаньга сёйигмоз. Ок, ёна пö посниуловыдды татшом ногөн уджалöм-велöдчöмыд кажитчö!

А кольöм восянь детсадса велькöдлысь Валентина Александровна Ветошкинакöд выль ног заводитöмаось сад йöрсö мичмöдны. Мыйсö сöмын абу дасьтöмаось-вöчöмаось пластмасса да мукöд дозмуксыд! А челядьлөн радыс! Көть нин пö татшом ног саддысь «чужöмбансö» мичмöдам. А стрöйбасö дзоньтавны нин колö, тöвнас вель кодзыд и, сöмын пö тай сьöмыд некор абу та вылö.

Но мытшöдьяс вылö видзöдтöг Керöсса детсад олö тыр олöмөн: быд гаж кежлö став уджалысьыс асланыс быдтасьяскöд дасьтöны гажа петкöдчöм. Нимкодь пö тшöтш, кор мам-бать зильöны мыйöнкö отсавны. Со школаö таво петысьяслы сiöм гаж дырйи мам-бать и паськөм вурöмаось, и сценарий дасьтыны отсалöмаось. Татшом ногөн уджалöмсыд пö кык пöв гажа праздыкыс артмывлö.

Светлана Васильевналысь юалi, мися кутшöм-джыкось нö сиктса ичöt дзoлюкьясыд?

- *Челядьтö ме зэв ёна радейта, став сьöлөмсянь, дерт, сэсся и уджала детсадын, - висьгалö Светлана Васильевна. - Быдөн на пöвстысь аслыспöлөс муса да гона. Тэнö быдсыма нимнас шуасны и: тётя Светлана Васильевна, и пысылтöмөн кызкö шыасясны и, а öти детинка весиг мамөн мелалö. Торйөн нин нимкодь, кор паныдасян быдтасьясыдкöд да аддзан, мый найö тöлка да шань йöзөн лöмөмаось. Сэки и сьöлөмсянныд радлан на понда.*

**Галина МАКАРОВА.**



## ВОЛОМКО

Арын пуяс вылысь гылалёны коръяс, тшөкыда зэрö. Тайö кадö дзикöдз ылыстчö миянысь гожом. Но тайö кадколастыслон эм аслыспөлос мич да торъялом. Мыйон торъялө ар вогөгöрся мукöд кадысь?

# Арын

## ВЫЛЬ ОЛӨМ ПАНСЬÖ

- Арын морт зильö вежны мыйкö оломсьыс, кутчысьö выль уджö, вермö вöчны сийос, мый мөд кадö оз вöч.

- Зэра да ыркыд поводдя дырйи мортлөн психикаыс вежсьö. Сийö дась выль лоомтор кежлö да и озджык пов нинöмысь.

- Медуна көлысь овлö буретш арын. Арын кө öтлаасян, сідзкö, гозъялөн оломыс шудаон лоö. Пöкрöв дырйи став öтка нылыс дась петны верос сайö.

- Тайö кадö вөр-ваыс дасьтысьö төв кежлö: гылалёны коръяс, лэбачьяс лэбöны лунвылö, йöз заптысьöны сёянөн, чукöртöны град выв пуктас, тшак-вотос.

- Арын овлö медуна ярманга.

- Сентябрьн челядь мунöны школаö, а унджык верстьö йöз петöны удж вылö шойччөм бöрын.

- Бизнесменгяс став кывкутана аддзысьломсö - выставка, конференция, сьезд - вуджöдöны ар вылö, öд сэки и уджыс буржыка мунö.

- Тайö кадö унаöс босьтö сідз шусяна депресия: помасис отпускалан кад, колины бөрö гожся шоньд лунгяс. Но тайос шуан сöмын на йылысь, кодгяс ёна радейтöны гожом да жар поводдя.

- Арын чужом челядьлөн дзоньвидзалуныс крепидджык, öд нывбаба нöбасигас медбөрря тöлысьясö ёнджыка сёйö, кор став град выв пуктасыс да вотöсыс сөвмöма, да и витаминьыс унджык.

- Туялысьяс серти, арын чужом йöз дырджыка олоны.

Арся вөр-валөн мичлуныс шензьöдö. Сылөн уна рёма петкөдчöмысь вунöдан став сьöкыдсö да выль вынөн босьтчан овны. Та понда унаон радейтöны тайö кадсö, көть эськö гожся пöра лэбыштис бөрö.



«Коми йоздчан керка»  
Коми Республикаса  
автономной учреждение,  
«Йолога» газет  
редакция.

**Адрес:**

167982, Сыктывкар,  
К.Маркс улича,  
229-од керка,  
401-402 кабинетъяс.  
Тел. 24-12-22, 24-36-49.  
E-mail: Yologa@mail.ru

**Веськӧдлысьлысь****удж вӧчысь****Е.В.ПЛЕТЦЕР****Гл.редактор****Г.В.МАКАРОВА**

Газет паньсы:  
Печать да юр сетан Коми  
Республикаса агентство.  
Регистрируйтӧма  
2007 вося ноябрь 28 лунӧ  
йӧзлы юр сетӧм да  
культура озырлун видзӧм  
кузя оланпасъяс  
збыльмӧдӧм бӧрся  
видзӧдысь федеральной  
службалӧн Беломорской  
управлениеын.

Регистрирутан пас:

ПИ №ФС 3-0686.

Социальной тӧдчанлуна  
гижӧдъяссӧ йӧзӧдӧма «Коми  
йӧздчан керка» автономной  
учреждениеы печать да юр  
сетан КР-са агентствӧн  
вичмӧдӧм сӧм вылӧ.

**Редакцияын****уджалысьяс:**

том йӧзлӧн мытшӧдъяс  
юкӧнӧн веськӧдлысь –  
Надежда Пунегова;

**письмӧ юкӧнӧн****веськӧдлысь –**

Екатерина Микушева.



Медводдза лист бокас

снимокыс

Надежда

Авериналӧн.



Авторъяслӧн мӧвпясы оз  
пыр лӧсявны редакциялӧн  
видзӧдласкӧд.



Тираж – 475

Гижӧдчан индекс – 52099.

«Йолога» газет петӧ

1991-од восянь

вежоннас ӧтчӧд, комиӧн.

Доныс сёрнитчӧмӧн.



Печатьӧ кырымалан кад:  
график серти – сентябрь  
толъыслӧн 10-од лунӧ  
16 часын; кырымалӧма  
печатьӧ 16 часын.

Газет печатайтӧма  
«Коми республиканской  
типография» ООО-ын дас  
оригинал-макетъясысь.  
167610, Сыктывкар,  
В.Савин улича, 81  
Заказ №

**ТӧД ВЫЛӧ**

**Бӧръя кадӧ тшӧкыда казялан, мый  
велӧдчанӧн помалӧм бӧрын томулов оз  
зильны бӧрйыны прӧстой уджалысь-  
лысь профессия. «Модной» удж сикас лыдӧ сийӧ оз пыр, а ӧд  
буретш татшӧмыс ззв колана миян республикалы да стра-  
налы водзӧ сӧвмӧмын.**



# Удж мичмӧдӧ морттӧ

Кольӧм вося юасьӧм бӧрын лои тӧдса, кутшӧм профессия зильӧны бӧрйы-  
ны томулов.

**9 класса:**

нывъяс - бурдӧдысь, велӧдысь, адвокат, бухгалтер;

зонъяс - автомеханик, машинист, полицейской, программист, шопер.

**11 класса:**

нывъяс - экономист, менеджер, бурдӧдысь, велӧдысь, психолог;

зонъяс - бурдӧдысь, юрист, инженер, буритчысь.

Удж бӧрйигӧн ныв-зон медводз видзӧдӧны удждон вылӧ, а сэсся нин мӧвпа-  
лӧны сӧдз шусяна престиж йылысь.

Коми Республикаын рабочӧй удж нырвизь серти медъена колӧны свар-  
щик, слесарь, шопер, машинист, электромонтёр, стрӧитчысь, пӧвар. Вылыс  
тшупӧда велӧдчанӧн кӧ помалӧн, эм позянлул лоны мастерӧн, мусир да биару  
перйӧмын инженерӧн, геологӧн, воспитательӧн, велӧдысьӧн да бурдӧдысьӧн.  
Торйӧн нин оз тырмыны йӧз стрӧитчан, транспорт, бурдӧдчан нырвизыын.

Лӧк и сийӧ, мый миян республикаысь мунӧны уджавны мӧд регионӧ. Коми  
районъяс пӧвстын удж аддзыны позянлуныс унджык Емдӧн, Княжпогост ра-  
йонъясысь, кӧнӧ эм гырысь производвояс. А мукӧдас, торйӧн нин Изьва,  
Чилимдӧн, Мылдӧн районъясын уджтӧ аддзыны сӧкыджык нин.

Тавося июль 1 лун вылӧ йӧзӧс удждӧн могмӧдан Коми Республикаса служ-  
баын пасйӧма 17 сюрс вакантной рабочӧй места. Сӧдзкӧ, уджтӧмалысьлы  
колӧ шыӧдчыны сэтчӧ кажитчана да колана удж аддзӧм могысь.

**Гижӧдсӧ дасьтӧма  
интернетъыс босьтӧм юӧр серти.**



Талунъя номерын выль гөсьт - Сыктывдін районысь Вильгорт сиктын школабөр удж котыртан районса шөринын уджалысь Светлана Николаевна Борисова. Киподтуя ань вөзйö сямöдысь вöчны чуман.

# Вöчам чуман




**Вöчöм вылö колö дасьтыны:** сямöд, веськыда да зигзагöн вундысь ножицьяс, линейка, шила, отвёртка, «Момент» клей, сунис (позьö кызджыкöс, емъяс, скрепкаяс, карандаш да ручка.



Медводз сямöд вылö чертитам прямоугольник (ыдждасö позьö бöрийны аслыд). Сэсся сійöс мичаа вундам.

Та бöрын сямöдысь вундам куим паськыдқодь визь. Öтисö кузьджыка, медым тырмис гөгöртны чуман дортыс, а мöдсьыс да коймöдсьыс вöчам вугсö. На пöвстысь нин öтарсö вундам зигзаг ножичöн, а мöдсö - веськыда. Сэсся вуг вылö вундöм визьяссö клеитам «Моментöн» да топöдам скрепкаöн.

Та бöрын вöчам асьсö чумансö. Медводз куснялам боктыс да клеитöмön кутам медся кузь визьнас. Скрепка отсöгөн топöдам, медым «Момент» клейыс бура öшгьяс.



Клеитчöм бöрын чуман гөгöрыс шила отсöгөн вöчалам розьяс да вурам сійöс дасьтöм сунисöн. Татшöм ногөн мичмöдам. А позьö и ас сьöлöм сертиыд мичмöданторсö бöрийны.

Сэсся чуманлы пысалам водзвыив дасьтöм вуг. Помгьяссö клеитам да скрепка отсöгөн топöдам. Со и дась чуманыд!

Важ йöзлөн чуманыд тырыс вöли. Талунъя вöчöмторйö велöдысь вöзйö пуктыны пельсь розьяс. Тусьяс мичаа косьмасны, а мича гöрд рöмыс дыр кад чöж на кутас нимкодьöдны синтö.

